

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10 i 3/23), člana 32. stav (2) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23 i 10/23), člana 134. stav 1. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15, 2/16 i 16/22), a u skladu sa Programom utroška sredstava planiranih Budžetom Zeničko-dobojskog kantona za 2023. godinu u Ministarstvu za rad, socijalnu politiku i izbjeglice, broj: 02-11-5124/23 od 30.03.2023. godine i broj: 02-11-11924/23 od 26.07.2023. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 37. sjednici, održanoj dana 28.09.2023. godine, d o n o s i

ODLUKU

o odobravanju sredstava za organizaciju centralne manifestacije posvećene obilježavanju dana „Dječija nedjelja“ koji će se sufinansirati iz sredstava Budžeta Zeničko-dobojskog kantona predviđenih za 2023. godinu

Član 1. (Predmet)

Odobravaju se sredstva u iznosu od 15.000,00 KM (slovima: petnaest hiljada konvertibilnih maraka) Udruženju građana „Naš most“ Zenica za sufinansiranje programa za organizaciju centralne manifestacije posvećene obilježavanju dana „Dječija nedjelja“ koji će se finansirati iz sredstava Budžeta Zeničko-dobojskog kantona predviđenih za 2023. godinu.

Član 2. (Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) razdjel 20 – Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614300, subanalitika KAX 003, naziv pozicije „Tekući transfer iz prihoda za obilježavanje Dječije nedjelje“, i to na transakcijski račun Udruženja građana „Naš most“ Zenica, broj: 1346681007019356 otvoren kod ASA banke.

Član 3. (Provođenje odluke)

(1) Za realizaciju ove odluke zadužuje se Ministarstvo za rad, socijalnu politiku i izbjeglice i Ministarstvo finansija, svako u okviru svojih nadležnosti.

(2) Ministarstvo za rad socijalnu politiku i izbjeglice Zeničko-dobojskog kantona će zaključiti ugovore o međusobnim pravima i obavezama sa predstavnikom nevladine organizacije iz člana 1. ove odluke.

Član 4. (Izvještavanje)

Obavezuje se Udruženje građana „Naš most“ Zenica da Ministarstvu za rad, socijalnu politiku i izbjeglice dostavi narativni i finansijski izvještaj o namjenskom utrošku sredstava do 31.12.2023. godine.

Član 5.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Broj: 02-11-14764/23

Datum, 28.09.2023. godine

Z e n i c a

Amra Mehmedić

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Udruženje građana „Naš most“ Zenica, putem Ministarstva,

1x „Službene novine Zeničko-dobojskog kantona“,

1x a/a.